

Ниже представлен краткий текст поминальной литии, читаемой до 40-го дня и в этот день. Читать его могут как священники, так и миряне, как про себя, так и вслух.

*Молитвами святых отец наших, Господи, Иисусе Христе, Боже наш, помилуй нас. Аминь.*

*Слава Тебе, Боже наш, слава Тебе.*

*Царю Небесный, Утешителю, Душе истины, Иже везде сый и вся исполняяй. Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.*

*Святой Боже, Святой Крепкий, Святой Безсмертный, помилуй нас. (Читается трижды, с крестным знамением и поясным поклоном.)*

*Слава Отцу и Сыну и Святому Духу, и ныне и присно и во веки веков. Аминь.*

*Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.*

*Господи, помилуй. (Трижды.)*

*Слава Отцу и Сыну и Святому Духу, и ныне и присно и во веки веков. Аминь.*

*Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.*

*Господи, помилуй. (12 раз.)*

*Приидите, поклонимся Цареве нашему Богу. (Поклон.)*

*Приидите, поклонимся и припадем Христу, Цареве нашему Богу. (Поклон.)*

*Приидите, поклонимся и припадем Самому Христу, Цареве и Богу нашему. (Поклон.)*

*Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое. Бог мой, и уповаю на Него. Яко Той избавит тя от сети ловчи, и от словесе мятежна, плещма Своима осенит тя, и под криле Его надеешися: оружием обыдет тя истина Его. Не убоишися от страха нощнаго, от стрелы летящая во дни, от вещи во тме преходящая, от сряца, и беса полуденнаго. Падет от страны твоя тысяща, и тма одесную тебе, к тебе же не приблизится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло, и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою, на аспида и василиска наступиши, и попереши льва и змия. Яко на Мя упова, и избавлю и: покрыю и,*

*яко позна имя Мое. Воззовет ко Мне, и услышу его: с ним есмь в скорби, изму его, и прославлю его, долгою днѣй исполню его, и явлю ему спасение Мое.*

*Слава Отцу и Сыну и Святому Духу, и ныне и присно и во веки веков. Аминь.*

*Аллилуиа, Аллилуиа, Аллилуиа, слава Тебе, Боже (трижды).*

*Со духи праведных скончавшихся, душу раба Твоего, Спасе, упокой, сохраняя ю во блаженной жизни, яже у Тебе, Человеколюбче.*

*В покоище Твоем, Господи, идеже веи святии Твои упокоеваются, упокой и душу раба Твоего, яко Един еси Человеколюбче.*

*Слава Отцу и Сыну и Святому Духу: Ты еси Бог, сошедший во ад и узы окованных разрешивши. Сам и душу раба Твоего упокой.*

*И ныне и присно и во веки веков. Аминь: Единая Чистая и Непорочная Дево, Бога без семени рождающая, моли спастися душе его.*

*Со святыми упокой, Христе, душу раба Твоего, идеже несть болезнь, ни печаль, ни воздыхание, но жизнь безконечная.*

*Сам Един еси Безсмертный, сотворивый и создавый человека: земнии убо от земли создахомся и в землю туюжде поидем, якоже повелел еси, Создавый мя, и рекый ми: яко земля еси и в землю отъидеши, аможе вси человецы поидем, надгробное рыдание творяще песнь: Аллилуиа, Аллилуиа, Аллилуиа.*

*Честнейшую Херувим и славнейшую без сравнения Серафим, без истления Бога Слова рождающую, сущую Богородицу Тя величаем.*

*Слава Отцу и Сыну и Святому Духу, и ныне и присно и во веки веков. Аминь.*

*Господи, помилуй (трижды), благослови.*

*Молитвами святых отец наших, Господи Иисусе Христе, Сыне Божий, помилуй нас. Аминь.*

*Во блаженном успении, вечный покой подаждь. Господи, усопшему рабу Твоему (имя) и сотвори ему вечную память.*

*Вечная память (трижды).*

*Душа его во благих водворится, и память его в род и род.*

Непосредственно перед едой читается «Отче наш», в которой молящиеся испрашивают у Господа благоволения и защиты:

*«Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго».*

Во время поминальной трапезы присутствующие могут читать по всему желанию такую поминальную молитву на 40 дней:

*«Упокой, Господи, душу раба Твоего (рабы Твоея, раб Твоих) новопреставленного (-ой, -ых) [здесь называть имя поминаемого], и прости ему (ей, им) вся согрешения его (её, их) вольная и невольная и даруй ему (ей, им) Царствие Небесное. Во имя Отца и Сына и Святаго Духа. Аминь».*

По завершении поминальной трапезы на 40 дней православным следует прочесть «Благодарим, Тя, Христе Боже наш...» и «Достойно есть...», в которых выражается благодарность ко Господу и воздается похвала создателю всего. Вот их тексты:

*«Благодарим Тя, Христе Боже наш, яко насытил еси нас земных Твоих благ; не лиши нас и небеснаго Твоего Царствия, но яко посреде учеников Твоих пришел еси, Спасе, мир даяй им, прииди к нам и спаси нас».*

*«Достойно есть яко воистину блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождишую, сущую Богородицу Тя величаем.»*